

Broj: 02C-3174-9/24

Datum: 29.04.2024. godine

Na osnovu člana 69. stav 2. tačka d) Zakona o javnim nabavkama („Sl. glasnik BiH“, broj 39/14), člana 2. tačka (l) podtačka 2) Zakona o izmjenama i dopunama Zakona o javnim nabavkama BiH („Službeni glasnik BiH“ broj 59/22) na preporuku Komisije za javnu nabavku broj: 02C-3174-7/24 od 26.04.2024. godine, u postupku javne nabavke roba - **Potrošni materijal i rezervni dijelovi za potrebe tehničkog održavanja i informatički rezervni dijelovi**, direktor Javne ustanove Opća bolnica „Prim.dr.Abdulah Nakaš“, je donio

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke **Potrošni materijal i rezervni dijelovi za potrebe tehničkog održavanja i informatički rezervni dijelovi** po lotovima kako slijedi:

1. LOT 1 - Elektro materijal - jer jedina primljena ponuda nije prihvatljiva.
2. LOT 2 - Termoenergetski materijal – jer jedina primljena ponuda nije prihvatljiva
3. LOT 3 - Građevinski materijal - jer jedina primljena ponuda nije prihvatljiva

**Član 2.**

Ova Odluka objaviće se na internet stranici Javne ustanove Opća bolnica „Prim.dr.Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

**Član 3.**

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: **02C-3174-1/24 od 20.03.2024.** godine.

Javna nabavka je sprovedena putem **otvorenog postupka**.

Procijenjena vrijednost javne nabavke bez PDV-a je **150.000,00 KM, odnosno po lotovima:**

1. LOT 1 – Elektro materijal – 60.000,00 KM
2. LOT 2 – Termoenergetski materijal – 40.000,00 KM
3. LOT 3- Građevinski materijal – 50.000,00 KM

Obavještenje o nabavci broj: **1125-1-1-57-3-114/24**, poslato je na objavljivanje dana **27.03.2024.** godine, objavljeno je na Portalu javnih nabavki dana **27.03.2024.** godine i u „Službenom glasniku BiH“ broj **22/24** od **29.03.2024.** godine.

Komisija za nabavku, imenovana je Rješenjem broj: **02C-3174-2/24** od **20.03.2024.** godine.

Komisija za javnu nabavku dostavila je direktoru Javne ustanove Opća bolnica „Prim.dr.Abdulah Nakaš“ Zapisnik o pregledu i ocjeni ponuda broj: **02C-3174-6/24** od **26.04.2024.** godine, Preporuku o poništenju postupka nabavke za LOT-ove: 1, 2 i 3 broj: **02C-3174-7/24** od **26.04.2024.** godine i Izvještaj o radu broj: **02C-3174-8/24** od **26.04.2024.** godine, u postupku javne nabavke – **Potrošni materijal i rezervni dijelovi za potrebe tehničkog održavanja i informatički rezervni dijelovi.**

U postupku po Izvještaju o radu je utvrđeno da je u predmetnom postupku do određenog krajnjeg roka za prijem ponuda dostavljena 1 ponuda za LOT 1, LOT 2 i LOT 3.

- Ponuda ponuđača **PAPILON d.o.o. Sarajevo** se odbacuje kao neprihvatljiva u skladu sa članom 68. stav (4) tačka j) Zakona o javnim nabavkama („Službeni glasnik BiH“ broj 39/14) i članom 2. tačka l) podtačka 2) Zakona o izmjenama i dopunama Zakona o javnim nabavkama („Službeni glasnik BiH“ broj 59/22), jer je u Obrascu za cijenu ponude – Aneks 2, za sve lotove ponuđač naveo PDV u dijelu predviđenom za navođenje popusta ponude.

Članom 17. stav (1) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) propisano je da je ugovorni organ obavezan provjeriti računsku ispravnost ponuda. Dalje je stavom (2) istog člana Uputstva propisano da se računске greške ispravljaju prema metodologiji definisanoj u članu 5. ovog uputstva. Članom 5. stav (4) Uputstva predviđeno je da prilikom popunjavanja obrasca za cijenu ponude ponuđač ukupnu cijenu stavke izračunava kao:

1. Proizvod količine stavke i cijene stavke, ili
2. Proizvod zbirnog procijenjenog udjela više objedinjenih stavki i zbirne cijene više stavki na koje se taj zbirni procijenjeni udio odnosi.

Članom 17. stav (3) Uputstva predviđeno je da ugovorni organ ispravlja i druge računске greške u obrascu za cijenu ponude i obrascu ponude. Iz prethodno navedenog, da se zaključiti da kada je u pitanju ispravljanje matematičkih grešaka, ugovorni organ ima pravo da ispravlja samo i jedino matematičke (aritmetičke) greške u ponudi, prema unaprijed utvrđenoj metodologiji. Bilo kakvo ispravljanje ponuda mimo predviđene metodologije nije u skladu sa zakonskim propisima i može znatno ugroziti princip jednakog tretmana, nediskriminacije i druge principe pobrojane u članu 3. Zakona o javnim nabavkama („Službeni glasnik BiH“, broj 39/14, 59/22), a koje ugovorni organ mora da poštuje u svakoj fazi postupka nabavke.

Isto tako, eventualno postavljanje pitanja ponuđaču (upit za pojašnjenje ponude) o tome da li se u ponudi iznos naveden u rubrici za popust (17%) odnosi na PDV ili se radi o popustu od 17% koji je je greškom sabran, nije u skladu sa zakonskim rješenjima, jer je članom 66. ZJN i članom 17. st. (7) i (8) Uputstva propisano da ugovorni organ, kada je u pitanju pojašnjavanje cijena, od ponuđača može tražiti samo pojašnjenje neprirodno niske cijene.

Kada je u pitanju uopšteno pojašnjenje ponuda, članom 68. stav (3) ZJN propisano je da se pojašnjenja ponuda mogu tražiti za dokumente koji su dostavljeni u skladu sa čl. 45-51. ZJN (ne i pojašnjenje obrasca za cijenu ponuda).

Uzimajući u obzir sve naprijed navedeno, ugovorni organ pretpostavlja da se radi o pogrešno upisanom i obračunatom PDV-u, a ne popustu od 17%, odnosno budući da u konkretnom slučaju ugovorni organ ne može ispraviti ponuđenu cijenu prema definisanoj metodologiji za ispravku cijene i da propisima nije ostavljena mogućnost za bilo kakve korekcije i/ili pojašnjenja cijena izvan utvrđenih pravila, ponuda se odbacuje kao neprihvatljiva.

Nadalje, u postupku ocjene provedenog postupka, direktor Javne ustanove Opća bolnica „Prim.dr.Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Obzirom da jedina primljena ponuda za LOT 1, LOT 2 i LOT 3 nije prihvatljiva, to Komisija za nabavku predlaže poništenje postupka javne nabavke za date lotove u skladu sa članom 69. stav (2) tačka d) Zakona o javnim nabavkama i članom 2. tačka (1) podtačka 2) Zakona o izmjenama i dopunama Zakona o javnim nabavkama BiH („Službeni glasnik BiH“ broj 59/22).

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.**

Žalba se podnosi u najmanje 3 (tri) primjerka.

Pripremila:

Amira Petrović, BA općeg prava - šef Odsjeka za javne nabavke



**DIREKTOR**

**Prof. dr. Ismet Gavrankapetanović**

Dostaviti:

- Ponuđaču: **PAPILON d.o.o. Sarajevo, ul. Ferde Hauptmana broj 7, 71000 Sarajevo**
- Odjeljenje za tehničke poslove i investicije
- Odjeljenje za ekonomsko-finansijske poslove
- Odsjek za javne nabavke
- Komisija za javne nabavke